



**COUNTY ASSEMBLY OF MOMBASA
THE HANSARD**

Wednesday, 30th November, 2022
Third Assembly - Twentieth Sitting

*[The County Assembly met at 2:32p.m. at the County Assembly Buildings]
[The Deputy Speaker (Hon. Fadhili Mwalimu Makarani) in the Chair]*

PRAYERS

The Deputy Speaker (Hon. Fadhili Makarani): Honourable Members, you may be seated.

[Silence]

Yes, Clerk next Order please.

MOTION

ESTABLISHMENT OF YOUTH INTERNSHIP, APPRENTICESHIP AND VOLUNTEERING
PROGRAMME IN THE COUNTY

The Deputy Speaker (Hon. Fadhili Makarani): Yes, the Leader of Majority Honourable Athman Mwamwiri, please move the Motion?

The Majority Leader Party (Hon. Mwamwiri): Thank you Mr. Speaker. Mr. Speaker Sir, I beg to move the following Motion:

THAT AWARE THAT, Article 55(a) of the Constitution of Kenya, 2010 requires that the state to take measures including affirmative action programmes to ensure that the youth access education and training;

FURTHER AWARE THAT, the national youth apprenticeship programme has been instrumental in imparting useful job skills and knowledge to over 30,000 youth nationwide;

NOTING THAT through internship, apprenticeship and volunteering the youth gain valuable work skills, experience and may hopefully gain employment;

CONCERNED THAT, Mombasa County faces an ever-growing number of young graduates who need technical skills, mentoring and need to be nurtured to take management and leadership roles in industry and government in the future but lack places to do so;

I, therefore urge this Assembly to RESOLVE;

THAT, the County government of Mombasa to establish an internship, apprenticeship and volunteering programme to nurture young graduates to gain technical skills, experience and to facilitate smooth transition to the labour market.

May I ask Honourable Ong'ao, MCA Jomvu Kuu Ward to second the Motion. Thank you.

The Deputy Speaker (Hon. Fadhili Makarani): Yes, Honourable Member from Jomvu Kuu Ward?

Hon. Ong'ao: I second.

The Deputy Speaker (Hon. Fadhili Makarani): Thank you. Honourable Members, I now propose a question that the Motion on Establishment of Youth Internship, Apprentice...

[Consultations]

Just a minute...

[Consultations]

Thank you. Yes, Honourable Members, I now propose a question that the Motion by Honourable Athman Mwamwiri on Establishment of Youth Internship, Apprenticeship and Volunteering Programme in the County be debated in this House.

[Question proposed and agreed to]

Yes, Honourable Athman Mwamwiri?

The Leader of Majority Party (Hon. Mwamwiri): Ahsante Mheshimiwa Spika. Mheshimiwa Spika, niombe Waheshimiwa wenza ya kwamba tuafiki Hoja hii ya kupeana fursa ya mafunzo kazini kwa vijana wetu. Suala hili ni suala la ziada ambalo Katiba imepeana fursa serikali kuangazia haja mahsusi za vijana; ikiwemo kupata mafunzo na vilevile kupata maelekezo ya kikazi na kusaidiwa katika kubuni kupata hizi fursa na kubuni fursa za kazi na kupata mazingira salama kazini. Mheshimiwa Spika, tumeshuhudia mara nyingi kunapotangazwa ajira miongoni mwa vigezo vinavyowekwa ni uzoefu wa kazi zile ili kuwasaidia vijana wetu kama Serikali Gatuzi kwa sababu Serikali Kuu wanao mpango kama huu katika idara zao za kuweza kufanya mafunzo kazini kwa vijana na tunaona takwimu kwa mwaka uliopita takriban vijana elfu 30 waliweza kupata fursa hizi ya kujifunza nafasi ama nyadhifa mbalimbali katika ofisi tofauti za umma na vile vile wakiendelea na masomo yao lakini katika kutekeleza hili tunatambua ya kwamba vijana wengi wanatoka katika familia chochole. Kwa hivyo wanapofanya mafunzo kazini kwa mujibu wa kanuni, huwa kuna ruzuku kidogo wanastahiki kupata ili iwawezeshe katika kulipa ada za nauli na kadhalika Mheshimiwa Spika.

Kwa hiyo Mheshimiwa Spika sisi kama Serikali Gatuzi tunavyo vyuo vya Anwai vyetu ambavyo tunaviangazia na kuvisimamia na vijana wetu wanapopata mafunzo mara nyingi hubakia hobela hobela mitaani pasi na kuwa na mahali pa kupata fursa hii na pia kupata fursa ya mafunzo kazini almaarufu *internship*. Hivyo basi Mheshimiwa Spika, niombe Bunge hili tuweze kupitisha Hoja hii na kupatia fursa Serikali yetu Gatuzi upande wa utawala waweze kuja na kanuni mahsusi yetu; hii ni Hoja lakini watutengenezee kanuni mahsusi ambayo itapeana mwelekeo na muongozo jinsi gani fursa hizi zitaweza kubuniwa na ni kwa kiasi gani Mheshimiwa atakuwa na uwezo kule chini nyanjani kutilia shime vijana katika kujiunga na vyuo Anwai akiwahakikishia ya kwamba kunazo taratibu hizi katika serikali Gatuzi na unapomaliza hii utakwenda katika mafunzo kazini na unapofanya kwa muda zoezi ama mafunzo kazini fursa ipo ya kwamba Kaunti itasaidia kubuni nafasi ama kufanya ubia na mashirika ambayo tunayo katika Gatuzi letu ili wale ambao wamefanya mafunzo kazini na sisi hapa Kaunti waweze kupata kipao mbele ya zile nafasi za ajira katika viwanda na taasisi mbali mbali ambazo tunazo ubia katika serikali yetu.

Mheshimiwa Spika, hii itasaidia pakubwa na pia itapeana fursa hata kwa vijana wetu kwa taaluma hizi na mafunzo haya waliopata katika taasisi ya serikali Gatuzi wanapo pia tafuta ajira nje ya nchi hii watakwenda na nidhamu ya kwa sababu wameangaziwa na kuwa chini ya usimamizi wa serikali Gatuzi katika utenda kazi wao. Hata kule watakako kwenda Mheshimiwa Spika, watapeleka sifa ya kutoka Mombasa na mwisho wa siku tutaona mataifa mengi yakileta maombi ya nafasi za ajira kule kwao walizo nazo ya kwamba wanataka vijana kuwaajiri kutoka mji wetu wa Mombasa ambayo hii itasaidia pia kupunguza changamoto hii tuliyo nayo sasa, changamoto ya maswala ya ajira kwa vijana wetu katika maeneo tunayotoka. Kwa hayo mengi Mheshimiwa Spika, niombe Waheshimiwa wenza, waweze kuafiki hoja hii na kuitilia pondo ili tuweze kusaidia vijana wetu. Ahsante Mheshimiwa Spika na kwa vile tuko katika harakati ya kutengeneza bajeti ya mwaka wa 2022/2023 itapeana fursa pia kwa vitengo husika vya maswala ya bajeti na makadirio kuweza kuwekeza kima kinacho stahiki katika kuwezesha hili Mheshimiwa Spika, kutekelezeka. Kwa hivyo tumeipitisha katika wakati unao stahiki na utenda kazi wake inategemea zaidi na bajeti inayokuja na kwa sababu tuko katika maandalizi na tunayo fursa ya kuitengeneza bajeti tutaweza kulifanya hilo. Ahsante Mheshimiwa Spika.

The Deputy Speaker (Hon. Fadhili Makarani): Thank you Honourable Mwamwiri. Yes, Honourable Juma Mwalimu?

Hon. Juma Mwalimu: Ahsante sana Mheshimiwa Spika kunipatia nafasi hii na pia nimesimama kuunga mkono Mswada huu kwa sababu kwa mfano ulio hai hata hapa hapa katika Bunge letu la Kaunti kunao watu ambao walikuja kupata mafunzo kazini na pia niliwaona pia wakisaidia wale wafanyikazi wa Jumba hili kwa sababu kazi zikiwa nyingi hata wao huwa pale kuwasaidia shughuli kadha wa kadha na pia vilevile hutokea nafasi pia kuna wengi wao ama baadhi yao ambao walipata nafasi za kuajiriwa kwa sababu pia inawapa ujuzi wakiwa hapa katika mafunzo. Ahsante sana Mheshimiwa Spika.

The Deputy Speaker (Hon. Fadhili Makarani): Thank you Honourable Mwalimu. Yes, Honourable Manuari.

Hon. Juma Manuari: Ahsante sana Mheshimiwa Spika kwa kunipa nafasi hii kwa mda huu wa baada ya chakula cha mchana. Mheshimiwa Spika, mimi naiunga mkono hoja ya jirani yangu katika kata zetu kwa sababu tumeshikana na nimuunge mkono kwa kuleta hoja hii kwa ya kuhakikisha tunawasomesha vijana wetu ama tume..., wanaitaje hii?

Mafunzo, kazi, tuko katika hoja yake ya mafunzo, kazi kwa vijana wetu kwa sababu hili ni swala nyeti ama ni swala ambalo kufikia mpaka sasa hivi sisi tunaomba serikali kuu iwe mstari wa mbele kusaidia vijana katika maswala haya, kwa sababu tunaona katika mitaa yetu utapata kuna vijana wengi ambao wamemaliza madarasa ya nane ama wamemaliza zile *college* wazungu wanavyosema lakini utapata kuna muda fulani wanatafuta pahali ambapo watashikilia ili kuisoma zaidi ile kazi kutokana na mafunzo yale ya pale ili imekuwa ngumu wao kufanikiwa bila ya msukumo au msimamizi, wazungu wanaita *Godfather* kutoka kwa kupata *Godfather*, kutoka shirika lile ama maeneo yale. Kwa hivyo Mheshimiwa Spika, mimi namuunga ndugu yangu mkono na niombe Kaunti yetu ya Mombasa iwe mstari wa mbele hawa ndugu zetu wasomi kazi ili waajiriwe, wapate hizi kazi wajiinue na Mungu akitujaalia baada ya muda wao ukikamilika, kama nafasi iko, basi wachaguliwe wao kama wa kwanza katika hizi nafasi ili wasome. Kwa hayo mengi machache, ahsante sana Bwana Spika.

The Deputy Speaker (Hon. Fadhili Makarani): Yes, Honourable Leila Nyache?

Hon. Nyache: Ahsante sana Mheshimiwa Spika, na mimi kuweza kunipa nafasi hii kuweza kuchangia. Kwanza nampongeza Mheshimiwa aliyekuja na hoja hii, ambaye ni Kiongozi wa Walio Wengi katika Bunge hili. Pili, nimesimama kuunga mkono hoja hii, maanake ni ya maana sana hasa kwa watoto wetu wale ambao wanahangaika mitaani hawana kazi. Kusema la kweli Mheshimiwa Spika, mimi naunga mkono na nasema ya kwamba hii itaweza kusaidia vijana wetu waweze kupata mafunzo mbalimbali hata kama ni mafunzo ya mikono. Kuna kazi ya kutengeza mifereji, kazi ya kutengeza stima, kazi tofauti tofauti ziko ambazo mtoto akipata yale mafunzo ama kijana akipata mafunzo ya ile kazi na akihitimu atakuwa hakosi riziki yake ya siku maanake atakuwa anatembea na kazi yake mikononi. Kwa hivyo mimi ningependa kuunga mkono sana na pia pale upande wangu mimi natoka Wadi ya Kipevu, Mheshimiwa Leila nawakilisha Wadi ya Kipevu kwangu kuna vijana wanafanya kazi ya mitaro sana, wanasafisha ile mitaro kila kukicha. Hata hivi juzi mvua ilivyonyesha kidogo watu wangu kule wamepata nafuu, maji hayakuvingia ndani ya nyumba kama wakati ule, nawashukuru sana vijana wangu wa Wadi ya Kipevu na kitu kama hichi ndio kinatia motisha ambapo hata kazi zikija, vile vibarua vya mazingira wale vijana ndio wanatakikana wakue mstari wa mbele waweze kupewa ile nafasi ya kuweza kuchaguliwa na kujimudu kimaisha. Kwa hivyo mimi naunga mkono hoja hii. Ahsante sana Mheshimiwa Spika.

The Deputy Speaker (Hon. Fadhili Makarani): I now call upon... yes Honourable Katana?

Hon. Katana: Mheshimiwa Spika, nashukuru kupata nafasi mchana wa leo kuweza kuchangia hoja hii iliyoletwa na Kiongozi wa Wengi. Mheshimiwa Spika, ni kweli kabisa vijana wakipata kusaidika katika maswala haya tutakuwa kwa ujumla tumesaidia jamii hasa vijana katika Kaunti yetu kwa sana. Kwanza, mimi hata sitarukia ama sitadakia kuongea kuhusu hili swala lote la kupata elimu na elimu ya kuongezea pia kuongeza mafunzo katika kazi, lakini vijana wengi Mheshimiwa Spika, vijana wamekosa matumaini katika maisha sasa kabla hata masomo ya kusomeshwa chochote, ingekuwa ni vizuri wafanyiwe kongamano ili wapewe matumaini katika maisha. Kwa sababu utakuta hata mitaani saa nyengine tunawatafutia kazi ambazo hizi kazi hata si kusoma tu; unatumia akili, unatumia lakini unakuta Mheshimiwa Spika kijana hata ile nafasi ile pia inamchosha, anawacha, ilimradi mtu akakae Kijiweni, na yote ni kwa sababu wamekosa matumaini.

Mheshimiwa Spika, nikiongea kuhusu swala la kuwapa elimu zaidi kuhusu kazi zao, nataka kulipongeza sana kwa sababu mimi kama binafsi, kama unavyojua, asilimia kubwa za hizi hoteli za kifahari zilizopo Mombasa asilimia kubwa ziko katika eneo Bunge langu la Shanzu na tayari nimeongea na hoteli mbili kubwa ikiwemo Pride-Inn, pamoja na Whitesands Sarova na wamenikubalia tayari na kuna mpango ambao tutaanza karibuni mapema mwaka ujao. Mheshimiwa Spika, kuna vijana tutachukua pale, na watapata mafunzo bora ile ari wako nayo watapata mafunzo ya kufanya hizi kazi za mahotelini na zaidi ya hivyo wacha nisiseme, “mahotelini” ndiyo Mheshimiwa Kiongozi wa Wengi akisimama anikosoe kwa Kiswahili changu, nafikiri hakuna mahoteli ni hoteli bora mtu ana nia na anatamani sana kufanya kazi katika hoteli, japo hana kisomo ama hana makaratasi ya vyuo kama utalii. Walinipa nafasi ya kwamba wanaweza kuwapa mafunzo na pia baada ya mafunzo hayo wataweza kupata vyeti kutoka tasisi za shule za kusomea kazi hizi kama vile utalii na Mswada huu ulipoletwa pia nilitarajia utaje sehemu ambazo kwa hakika ni sehemu ambazo zinaweza kutufaa tukaweze kuzichangia kama sehemu ambazo vijana wetu wanaweza kwenda kupata mafunzo na sehemu hizi ni kama sehemu ya bandari yetu. Vijana wetu wakitafutiwa nafasi pale bandarini kwenda kupata mafunzo kwa hakika kwa sababu Kaunti hii yetu ya Mombasa imetegemea sana Bandari yetu hii ya Mombasa.

Kwa hivyo ni vizuri Mheshimiwa Spika pia pale tukaweze kupata nafasi na kuna sehemu ambazo pia tukiwapeleka vijana wetu kwenda kupata mafunzo na mazoezi itakuwa ni mwafaka ni kama sehemu za shule, sana sana hizi shule za chekechea tukipata nafasi huko itakuwa pia ni msaada. Hata hapa katika ofisi za Kaunti Mheshimiwa Spika, kukiwezekana kupata nafasi hawa vijana wakiwa wanaweza kupewa nafasi za kuja na kufundishwa kazi, watakuwa pia ni msaada. Kuna sehemu kama kortini Mheshimiwa Spika, kwa uongozi wa nafasi hizi tulizo nazo za kisiasa, ikiwa pia vijana wetu watapata nafasi kuhudhuria na kupata mafunzo katika kazi za kule kortini itakuwa pia ni msaada. Kunayo sehemu nyengine ni kama hizi zahanati za afya hospitalini Mheshimiwa Spika, ikiwa pia vijana wetu watawezesha na kwa sababu hizi sehemu ziko, lakini utakuta ni vigumu sana kijana aliyetoka mtaani kwenda mwenyewe mahali kama Makadara na kujiulizia nafasi hizi ili akaweze kupata mafunzo, kwa hivyo kama itatokea? Kuwe na msukumo wa viongozi wa kisiasa, ninaamini taasisi hizi nilizo zitaja Mheshimiwa Spika, kwa hakika zitawawezesha vijana wetu kupata mafunzo na hivyo basi kuwafanya wakaweze kujukumika hata aendapo watapata kazi hizi. Kwa hivyo nasimama na kuunga mkono swali hili. Ahsante Mheshimiwa Spika.

The Deputy Speaker (Hon. Fadhili Makarani): Yes, Honourable Mbaya?

Hon. Salim Mbaya: Ahsante sana Mheshimiwa Spika kwa kunipatia fursa hii. Kwanza kabisa nimshukuru Mwenyezi Mungu ambaye ametujalia sisi sote tukawa tuko ndani ya Nyumba hii. Mheshimiwa Spika kutokana na hoja ambayo imeletwa na ndugu yangu ambaye ni Kiongozi wa Wengi Mheshimiwa Athman Mwamwiri na mimi kiongozi ambaye nimetoka katika kata ndogo ya Timbwani ambayo ni kubwa kwa mipaka na ni kubwa kwa idadi ya watu ambao wako katika ile kata; bila shaka kama nitakuwa mmoja wao Mheshimiwa Spika mwenye kupinga hoja hii basi itakuwa mimi ni mwizi wa fadhila katika jamii ambayo imenitambua nije niwawakilishe kukiwa kuna matatizo ya mafunzo kazi. Kwa hivyo Mheshimiwa Spika, hoja hii kama ilivyo desturi napenda nipimwe kwa maneno yangu kwa kiwango, naiunga mkono tisaini kwa mia. Ahsanteni.

The Deputy Speaker (Hon. Fadhili Makarani): Thank you. Yes, Honourable Ibrahim Omondi?

Hon. Omondi: Thank you Mr. Speaker for the opportunity that you have given me. Mr. Speaker, first of all I will say that this Motion is good and timely; as you know that most of the youths have been subjected to a lot of barriers especially when they go to seek for a job. Mr. Speaker, they are always told that they need experienced people and I think this apprenticeship and internship is one of the ways to solve such issues. Mr. Speaker, I will start by saying that International Labour Organization recognizes internship and apprenticeship, as part of a solution to help get young people into the labour market by equipping them with skills and takes them to new jobs. Mr. Speaker, we will also appreciate that internship and apprenticeship enables the youth, to get valuable experience...

Hon. Hawaa Abdulrahman: ...Affirmative action programs where youths can access education and trainings. As you are aware that Mr. Speaker Sir there are so many youth graduates in a tertiary level where they graduate every year and they wish to practice what they have been taught over the course of time but only small percentage get access to internship programmes some even take years to get one than others. So, Mr. Speaker Sir, just want to add to the Motion they also need for thorough training of the youths with employable skills such as mentorship, CV writing and how to prepare for the interviews. With those few remarks I stand to support the Motion.

[Applause]

The Deputy Speaker (Hon. Fadhili Makarani): Yes, Honourable Makanga?

Hon. Makanga: Shukran Mheshimiwa Spika. Kwanza nashukuru kwa sababu ya nafasi hii na pia nimpongeze ndugu yangu Mheshimiwa Athman Mwamwiri kwa kuja na Mswada huu ili tuweze kuupitisha kama Bunge la Mombasa. Kwanza niseme nafasi hizi ambazo kitengo maalum ambacho tungetaka kukitenga kwa niaba ya vijana ama wale ambao wako katika vyuo mbali mbali ili kuweza kupata ujuzi. Niseme Mheshimiwa Spika mimi ni ushuhuda unaoishi kwamba kabla niajiriwe na Gatuzi la Mombasa niliweza kufanya internship yangu katika hospitali ambayo ilikuwa ni ya Port Reitz Mheshimiwa Spika na kati ya ujuzi niliopata katika taasisi hiyo ni kwamba nilijifunza management na pia jinsi ya kuishi na watu na katika yale niliyoyasoma Mheshimiwa Spika lakini leo yamenifanya mimi kuwa Mwakilishi Wadi wa eneo la Chaani Mheshimiwa Spika. Niseme ya kwamba Mswada huu ambao tungeombwa na Mheshimiwa Mwamwiri kuupitisha mimi nauunga mkono na nikisisitiza ya kwamba huu utatupa nafasi ya wale vijana wetu wanapotoka katika vyuo mbalimbali kuja kupata uzoefu wa kikazi na vilevile itakuwa imejenga mazingira ya kwamba hao tayari washajua vile kazi inafanywa ndani ya Mombasa kwa hivyo itakuwa na urahisi kwetu sisi pia kuwaombea Mungu na kusema pia na serikali yetu ili wakaweze kuchukuliwa katika ajira hizi Mheshimiwa Spika. Ukiangalia katika *internship* ile ilikuwa imepeanwa na serikali kuu Mheshimiwa Spika ni kwamba wale waliopewa nafasi hizi kuna kitu kidogo Mheshimiwa Spika walikuwa wanapata kulingana na sheria ya uajiri katika nchi yetu ya Kenya. Mheshimiwa Spika naamini hili pia linapofanyika katika Gatuzi letu la Mombasa pia sisi tutaweza kuangalia maslahi ya wale ambao watakuwa wameweza kuajiriwa ama watakuwa wameweza kupata hizo nafasi za kufanya hayo mazoezi ama *internship* ili wanapomaliza ule muda wao mbali na hizo *skills* pia wawe wameweza kujiendeleza maisha yao. Mheshimiwa lile labda ningepeana kama wazo ni kwamba zoezi hili linapofanyika uongozi wa Nyumba hii na Waheshimiwa hawa ambao wako hapa wapewe nafasi ya kuweza kuwasaidia wale ambao wamesoma katika Wadi zao kuweza kupata hizi nafasi za kupata haya mazoezi ama ujuzi katika hizi taasisi ambazo tuko nazo.

Mheshimiwa Spika vile vile nikimalizia ni kwamba nafasi hizi zinapoenda kubuniwa ama wanapopewa nafasi ya kufanya ujuzi tuzingatia sana hili; nasema ni wazo ili ikiwezekana litiliwe maanani kwamba isiye kwamba tutatengeneza taasisi hii lakini nafasi hizi baadae tukija kuangalia wanaofanya hizi nafasi wametoka kwa Kaunti zengine, tumeacha wale wetu ambao tuko nao katika mji wetu wa Mombasa. Hizi kama zitatengwa, hizi si za kuwekwa kwa magazeti tuambiwe sisi, tuambiwe watu wetu mashinani waweze kuja mashinani hizi nafasi kujiendeleza maishani. Ahsante sana Mheshimiwa Spika.

The Deputy Speaker (Hon. Fadhili Makarani): Thank you Honourable Makanga. Yes, Honourable Mwavula Patrick?

Hon. Mbelle: Ahsante Mheshimiwa Spika. Kwanza nimpongeze Mheshimiwa Mwamwiri kwa kuleta Mswada huu katika Bunge hili kwa sababu nina imani kuwa kinachongelewa ama kinachotoka Mswada huu ni jambo ambalo litakuwa na faida kwa vijana wetu wa Mombasa. Katika Mswada huu naangalia kuna mambo mawili ama matatu ambayo yapo katika Mswada huu mmoja; la kwanza ni *internship* kwa yule ambaye ameenda shuleni na ako na uwezo wa kwenda kujifundisha kazi halafu arudi shuleni ili kupata cheti chake. Ya pili, ni *apprenticeship* ambacho Kiswahili tunasema ni uanafunzi ni kwa yule tu anaweza kwenda tu sehemu akajifundisha ujuzi na baada ya hapo aidha akapewa kibali cha kufanya kazi ama akapewa ile nakala ama *certificate* kizungu ninavyoiita na *volunteering* ni ile tu mtu kujitolea. Kwa hivyo nikiangalia Mswada huu umegusa vitengo tofauti tofauti kuhusiana na vijana katika mji wetu ama katika Kaunti yetu hasa hawa ambao wanaenda katika uanafunzi ambao wanasema *apprenticeship*.

Wako vijana wengi; anavyosema Mheshimiwa Baimu kutoka Nyali, alivyosema Mheshimiwa Bomoa na wengine wote waliosimama kuongea, wako wengi hata katika sehemu ya Bamburi ambao waliachia shule katikati na wangependa pia wapate nafasi angalau hata kama si ya kurudi shule lakini kujifundisha kazi kwa mtu ambaye ana uwezo ama ana ujuzi tayari. Kwa hivyo naona ni jambo zuri na ni jambo ambao naliunga mkono mia fil mia ingawaje ningependa tu kwa Mheshimiwa Mwamwiri ambaye ameleta Mswada huu labda katika siku za usoni anapoendelea na Mswada huu tuweze kujua tu ambao watakuwa wanaendesha mradi huu itakuwa ni Kaunti peke yake ama Mswada huu na sheria hizi nitakuwa pia zinafungamana na yale makampuni katika sehemu zengine tofauti tofauti kando na Kaunti peke yake. Vile vile tuweze kujua nikitia pondo tu yale Mheshimiwa Bomoa amesema hawa wakienda katika uanafunzi huu na mafunzo kazini, je kutakuwa labda malipo? Ama kama kutakuwa na malipo kutakuwa ni muda gani? Kama itakuwa katika Kaunti na kama itakuwa katika sehemu zengine basi masharti na vigezo itakuwa ni gani? Tukiyajua hayo itakuwa rahisi hata ukiwa na kumi nafasi mia au nafasi elfu moja kujua ni yupi utae mchukua kulingana na tabia zake kulingana na ujuzi na kulingana pia mahali alipotoka ili pia naye aweze kufaidika na mradi huo. Ahsante Mheshimiwa Spika na naunga mkono Mswada huu.

[Applause]

The Deputy Speaker (Hon. Fadhili Makarani): Thank you. Yes, Honourable Mwaura?

Hon. Mwaura: Ahsante sana Mheshimiwa Spika kwa kunipatia nafasi na mimi pia niweze kuchangia Mswada huu. Kwanza nasema naunga mkono Mswada huu kwa sababu kwa hakika vijana wengi wameingia katika maeneo yangu ya Kongowea, wengi sana wamesoma ila hawana mahali pa kujishikilia.

Na ni kweli wangepata mafundisho zaidi wakaendeleza masomo yao na ujuzi wao kama wangelipata mahali ambapo wanaweza kupata nafasi; ila ningependa kuongezea kitu kwamba ingelikuwa kuna umuhimu pia wa kuzingatia na kuhakikisha haswa kama Kaunti yetu ya Mombasa itachukua hawa vijana wakati wa uajiri, wahakikishe kwamba wanazingatia wale ambao walijitolea na kufanya kazi kwa kujitolea bila malipo wakati wanaajiri wapewe kipao mbele ama wapewe nafasi ya kwanza katika kuajiriwa. Ila mara nyingi unapata ya kwamba vijana wengi wanavunjika moyo wakati ambapo wamefanya kazi ya kujitolea na kazi zinatangazwa kwamba kuna kuajiriwa ama zinakuwa *advertised* na unapata kwamba kumekuja wengine wapya ambao hata hawailewi hio kazi na mimi nilie jitolea naendelea kujitolea. Kwa hivyo ingelikuwa ni ombi pia haswa katika Mswada huu kwamba wale watakao kubali na watakao enda kufanya hizi shughuli za kujitolea wakati nafasi zitakapotoka kwa ajili ya kuajiri hawa hawa vijana wawe ndio watachukuliwa wakiwa nafasi ya kwanza. Ahsante Mheshimiwa Spika.

The Deputy Speaker (Hon. Fadhili Makarani): Yes, Honourable Hamisi Nyota?

Hon. Hamisi Nyota: Thank you Mr. Speaker for giving me this opportunity to contribute on this Motion brought by my brother Honourable Athman Mwamwiri. Mr. Speaker, I stand to support this Motion for one reason or two. One is Mr. Speaker I once fell victim of being asked to produce experience when I had just concluded my CPA classes and I could not produce even a single experience from any company or any organization. So, this was a hard time for me because I could not be employed without experience, so I think this Motion has touched me because I once fell in the trap whereby an organization tells you; we want to employ you but at least with one- or two-years' experience and by that time I was just fresh from college I did not have any experience. But I think going forward with this Motion it will give our youths; many youths like me who wish to have this experience so that once they go look for jobs, they already have some documents to produce to show that they are well acquainted with the knowledge and experience in the particular field they are looking for.

So, Mr. Speaker I strongly support this Motion because it will give our youths the much-needed experience, knowledge so that wherever they go out to apply for jobs it will be easy for them because most of the employers look for knowledge and experience. Nowadays, it is not like before; if you do not have experience, you are told if you had an experience, we could have taken you in but because you do not have experience... they are some already who have applied and they have experience so we rather take those who have experience than you because to us they are more of an asset than you. So, Mr. Speaker I think this is the best Motion brought by my brother, I can strongly contribute and support. Honourable Mwamwiri congratulations so much for this type of Motion so Mr. Speaker I strongly support this Motion. Thank you so much.

The Deputy Speaker (Hon. Fadhili Makarani): Thank you. I now call upon the mover of the Motion to respond.

The Leader of Majority (Hon. Mwamwiri): Ahsante Mheshimiwa Spika. Mheshimiwa kumetumika neno hoteli na mtumizi alikuwa na shauku; ni kweli Mheshimiwa Spika neno hoteli ni neno la kukopa kutoka kwa lugha ya Kiingereza na Waingereza nao walikopa kwa Wafaransa na Wafaransa nao walikopa kwa Wagirisi Mheshimiwa Spika, lakini katika ufasaha wa lugha, inasalia kuwa mkahawa ama mgahawa...

[Applause]

Na katika kukopa neno hoteli linabakia hoteli katika umoja na hoteli vile vile katika wingi Mheshimiwa Spika; linatumika katika lugha ya Kiswahili na halina wingi hoteli ni hoteli. Mheshimiwa nashukuru Waheshimiwa wameweza kuchangia kwa kina suala hili na katika msisitizo wao ni kwamba kuwe na sera mahsusi itakayolekeza vigezo vyote stahiki ya nani kuwa wapi kwa taratibu zipi na kwa muda gani ambalo nimeungama katika hili na ipo haja katika hili kwa sababu pia tunapokuwa na sera mahsusi juu ya hili itasaidia pia katika suala zima la ubiwa wa serikali Gatuzi. Katika kupeana nafasi hii mpango kazi huu wa mafunzo kazini lakini pia Mheshimiwa Spika kutakuwa na taratibu na ni jinsi gani serikali Gatuzi itaweza kuelekeza baadhi ya vijana katika taasisi binafsi na mashirika binafsi yaliyoko katika maeneo yetu pia kuweza kukumbatia suala hili katika njia moja wapo ya kusaidia vijana wetu. Kwa hivyo nawashukuru Waheshimiwa kwa hili, na nihimize kusukumana katika utekelezaji wa hili; sisi kama Bunge tuna mamlaka ya kuja na sera na pia kupitia kwa idara husika wanayo fursa ya kutengeneza sera na kutuletea. Kwa hivyo sote tutawajibika pande zote mbili, hii yetu kama Bunge na upande wa pili kama utawala kuwa na sera mahsusi ambayo itakuwa ni ya kutekeleza kwa minajili ya vijana wetu. Ahsante Mheshimiwa Spika na niwashukuru Waheshimiwa wenza.

The Deputy Speaker (Hon. Fadhihi Makarani): Thank you. Honourable Members I now stand to put a question that the Motion by Honourable Athman Mwamwiri on, *Establishment of Youth Internship, Apprenticeship and Volunteering Programme in the County* be adopted in this House.

[Question put and agreed to]

[Applause]

Honourable Members, the Motion is adopted. Yes Clerk?

ADJOURNMENT

Honourable Members, the House stands adjourned until Tuesday, 6th December, 2022 at 10:00 a.m.

The House rose at 3:20p.m.